

nes Theologi, der war ein Protonotarius von Bergen / gar ein gelährter Mann / der vnterstund sich zu machen den Lapidem allein auß Kupfferwasser / vnd erstlich distillirten wir den stärckesten Essig achtmal / darnach thäten wir das Kupfferwasser calcinirt hinein / drey Monat / hernach zogen wir den Essig davon / vnd gossen ihn wider auff die materiam, so am Boden blieb / vnd zogens wider ab / das thäten wir täglich funffzehnenmal / zween Monat durch / biß ich endlich / von dem über auß starcken vnd scharffen Geruch / das Quartan-Fieber wol vierzehnen Monat bekam / vnd meinet / ich solt gestorben seyn / liessens derhalben stehen / vnd funden nichts / denn wir arbeiteten noch nicht in rechter Materia / giengen also darüber weg zwey Jahr.

Darnach sagte vns ein vornemer gelährter Mann / wie des Kaisers Beichtvatter / mit Namen Herr Magister Henrich / den warhafftigen Stein wüste zu machen. Zu dem fügten wir

ex Vitriolo solo

Operatio
ex Luna,
Mercurio,
Sulphure &
Oleo olivorum.

§

vns /